

Гүй матыми аглуғақо, қулигамсүйт таўатытут. Укйўугалъахтат ипа салгит. Укйўугак сагикнапихтақылге ылъық. Мылгарисималуки мугутақылгит. Тамакын унгаҳпагның нагульыльахглуки капақыкет. Углалътың мугутақылгит. Натын атасилуни ке анлъук тыгик аюғнагута, Нагульыльахглуки аюгутақет. Там илин-ам панамың капақет. Тукутақнамыхтыки аюгутақет. Тамакут матыми аглукақақанка. Қайгўалъамың, йығрат ныкнелгит. Акуна укйўугак тыгмегнегақылгит авлықатаның.

Гүй илисимакақа Нувуками ысимало, талгўа аюғумалуки ивыругисималуки. Таухкын ивыруңыльхапихтут Усукунам нан аныльхутңа тана. Саўгак ивыругык, двигателиңук итык. Таўхкын-ам ивыругыт тыкисаўхтет. Аюпихтакут айвығыт пугақңата, ыпыхтыкаглуки аюгутытың, пыңахтақет. Атхақңата таным аюгакут.

Укйўугак агвыңакут агыфсагның. Акуна полъалгени нукальпегумало ыто.

Ытакун тана тухкагақ. Тамум атықа «Национальный праздник». Полъасекут, қахакут. Гүй аваўғнақымсайитақа укйўугалъахтақ аглукақ.

Атама гүй аныңи Хухоңа. Мантыгат анлъухлъўгакут. Таўа-вык касугакут анукагат. Ынкам нукальпегамало итығақо. Қулигамсульыгенун никугопихтақо. Акуна укйўугак ысугақет микискит. Ысхатана нукальпегақ ынкам агнагақ саюгақук. Илини итык углапик авагумаягақа. Эхурңам ынқақанка. Ынқалгеми, санаянка сукатақанка. Ынкам или тухкагақ. Укйўугак аньярагахтыхун қаяхтуғақылгит. Усияқылътың, алъамың, калақыкет ныкнехтатың калалуки. Ынкам инлонтуңыңа тухкагам – куврихтулгит. Лъыган игунан мухкун алехнақақақа.